

## 第六品

二（宣说道之果）分二：一、分别道之果；二、圆满道之果。

一、分别道之果：

300

《圣般若摄颂》云：

《佛说佛母宝德藏般若波罗蜜经》云：

菩萨布施离饿鬼，中止贫穷诸烦恼，  
行时广得无量财，布施成熟苦有情。

菩萨布施济贫乏，令得富盛度苦恼，  
果报永灭饿鬼趣，及得断除诸烦恼。

第一、布施度：菩萨的一切道无不包含在六波罗蜜多中，因此大乘和广般若的教义实际上也包括在六度当中。以上说明了这样的六度实修法门。接着阐述六度的果：菩萨依靠布施而断绝转生饿鬼趣的相续，而且也能中止受用贫乏和一切烦恼。自己凭借发放无缘的布施，断除吝啬、无明等所有烦恼。依靠对他众作法布施，也能断除他们的一切烦恼。菩萨在行持菩萨行之时，生生世世能得到无量无边、有增无尽、所需要的丰富圆满、受用。财布施、法布施，归纳而言能成熟处于苦因及苦果中的一切有情。

《大宝积经·菩萨行品》云：

施心无所逆，于财无吝惜，  
信解诸佛法，生生获财富。  
信解无谄嫉，不讼彼过患，  
专心一向信，是故得财宝。

所以大家都应懂得布施的无量功德，在日常生活中有一些财富时，也要尽量布施给有缘众生。同时，哪怕我们懂得一个偈颂以上的佛法内容，也应与有缘众生分享。虽然在表

面上我们只给他们讲了一堂课，或只在某一个道理上与他人进行了交流，但别人获得的利益却远远超过得到金钱、地位以及其他享受。因为，在所有世间财富中，智慧的财富最无上。故我认为，在所有布施中，法布施最重要！

《大智度论·释初品》云：

[立般若波罗蜜者，菩萨教诸众生：“当学智慧！智慧者，其明第一，名为慧眼。若无慧眼，虽有肉眼，犹故是盲；虽云有眼，与畜生无异。若有智慧，自别好丑，不随他教；若无智慧，随人东西，如牛骆驼穿鼻随人。一切有为法中，智慧为上！圣所亲爱，能破有为法故。如《经》中说：“于诸宝中，智慧宝为最；一切利器中，慧刀利为最；住智慧山顶、无有忧患！观诸苦恼众生，无不悉见。”智慧刀能断无始烦恼生死连锁，智慧力故，能具六波罗蜜，得不可思议无量佛道，成一切智；何况声闻、辟支佛，及世间胜事？是智慧增长清净，不可沮坏，名为波罗蜜。”众生闻已，住般若波罗蜜。]

《大萨遮尼乾子所说经·一乘品》云：

[“复次，文殊师利！菩萨摩訶萨能住如是胜功德中，有十二种布施妙行，能大利益，疾到菩提，菩萨应行檀波罗蜜。何等十二？一者、布施能速增长无上菩提功德利故，菩萨应行檀波罗蜜；二者、布施生处富足，手中常出无尽宝故，菩萨应行檀波罗蜜；三者、布施随愿得生释、梵、天王、诸大家故，菩萨应行檀波罗蜜；四者、布施能离一切悭贪心过，弃舍诸有不生愿乐故，菩萨应行檀波罗蜜；五者、布施能舍世间贪染缚故，菩萨应行檀波罗蜜；六者、布施出饿鬼门、离诸恶趣故，菩萨应行檀波罗蜜；七者、布施离诸世间多人共物，能得菩提不共物故，菩萨应行檀波罗蜜；八者、布施能称众生欢喜心故，菩萨应行檀波罗蜜；九者、布施能舍内外、行佛行故，菩萨应行檀波罗蜜；十者、布施于诸一切所爱事中，能离缚著垢害心故，菩萨应行檀波罗蜜；十一者、布施行能满足无上檀

波罗蜜故，菩萨应行檀波罗蜜；十二者、布施行能随如来教、所愿成就故，菩萨应行檀波罗蜜。善男子！是名菩萨摩訶萨十二种修行檀波罗蜜得大利益，回向阿耨多罗三藐三菩提。”

尔时世尊即以偈颂赞叹檀波罗蜜，重说偈言：

“欲求无上道，修行诸功德，  
破于悭贪心，布施最第一。  
佛子行舍心，见来乞求者，  
能生欢喜心，一切无恡惜。  
国城及妻子，乃至天王位，  
身肉及手足，头目诸髓脑，  
清净无垢眼，施已心欢喜，  
如是行舍心，名檀波罗蜜。  
一切诸如来，满足诸功德，  
具胜涅槃道，皆由布施故。  
是故诸佛子，欲求无上道，  
常当修舍心，行檀波罗蜜。  
施能得菩提，不住于世间，  
是故诸菩萨，常当行舍心。  
施能断贫穷，富足七净财<sup>1</sup>，

<sup>1</sup> 七净财：《劝发诸王要偈》云：

信戒施多闻，智慧有惭愧，  
佛说不共财，余财一切共。

慳嫉妒心尽，清净佛菩提。

布施能满足，成就十自在<sup>2</sup>，

是故诸如来，赞叹行施福。

菩萨见是利，为成波罗蜜，

是故修舍心，常施一切物。]

比丘道略集《杂譬喻经·龙藏水喻》云：

[有龙能以一滴水，雨一国者或二、或三，乃至雨一阎浮提者。龙心自念言：“我欲藏此一滴水使常在而不干，何处可得耶？”作是思惟：“余处不得，唯当安著大海中乃不干耳。”此喻少施而得大报无穷者，唯当安著佛道中也。此明水滴与龙智合故，所凭得处而不干也。布施与般若合故，所置得处而不竭也。]

失译人名之《杂譬喻经》云：

[昔王舍城中人民多丰饶，九品异居不相杂错，别有一亿里，有一亿财者，便入中<sup>3</sup>。时有居士，规<sup>4</sup>欲居中，便行治生<sup>5</sup>，苦身节用广诸方计<sup>6</sup>，数十年中九十万数未满足一亿，得病甚<sup>7</sup>笃<sup>8</sup>自知不济。有一子年七八岁，嘱语其妻曰：“吾子小大<sup>9</sup>，付与财物令广治生，使足满一亿，必居其中，全吾生存之愿矣！”言竟终亡。丧送事毕，将<sup>10</sup>子入，示其宝物：

<sup>2</sup> 十自在：即指如来的十自在。《大萨遮尼干子所说经·如来无过功德品》云：

[王言：“大师！何者如来自在？”

答言：“大王！沙门瞿昙有十自在：一者、命自在；二者、心自在；三者、物自在；四者、业自在；五者、生自在；六者、如意自在；七者、信自在；八者、愿自在；九者、智自在；十者、法自在。]

<sup>3</sup> 中【大】，中居【宋】【元】【明】

<sup>4</sup> 规【大】，视【宋】【元】【明】

<sup>5</sup> 治生：拼音 zhì shēng，经营家业；谋生计。

<sup>6</sup> 方计：拼音 fāng jì，方略，计策。

<sup>7</sup> 甚：拼音 shèn，〈副〉很，极：甚好。甚快。

<sup>8</sup> 笃：拼音 dǔ，病沉重：病笃。

<sup>9</sup> 小大【大】，长大【宋】【元】【明】

<sup>10</sup> 将【大】，母将【宋】【元】【明】

“父有遗教，须汝长大具一十<sup>11</sup>万足满一亿，居亿里中。”子报母言：“何必须大？便可付我早共居之。”母即付之。于是童子以财物珍宝，供养三尊施与贫乏者，半年之中<sup>12</sup>财物尽了。其母愁恼，怪子所作。童子未几身得重病，遂便丧亡。其母既失物<sup>13</sup>，子又幼丧，忧愁忆<sup>14</sup>之。中有最富者，八十居而无子姓<sup>15</sup>，于是童子往生其家，为第一妇作子。满十月生，端正聪明自识宿命，母自抱乳确不肯食，青衣<sup>16</sup>抱养亦复如是。儿前母闻生子如是，偶往看。见<sup>17</sup>爱之，即抱鸣<sup>18</sup>嘍<sup>19</sup>，开口求食。长<sup>20</sup>者大喜，重雇<sup>21</sup>其价使养护子。长者便与夫人议曰：“吾少子性，他人抱养不肯饮食，此妇抱撮<sup>22</sup>儿辄<sup>23</sup>欢喜，吾今欲往迎取以为小妻，令养视<sup>24</sup>吾子，为可尔不？”夫人听之，便以礼娉迎，别作屋宅分财给与无所乏短。儿便语母：“为相识不？”母大怖懔<sup>25</sup>而言：“不相识。”儿白母言：“我是母之前子，取母九十万分用布施，今共来作八十<sup>26</sup>亿主，不劳力而食福，为何如耶！”母闻是言，且悲且喜。其儿长大，化一亿里为摩诃衍<sup>27</sup>道。故谓：“正便<sup>28</sup>亿千出之，一邑里能为室舍<sup>29</sup>，安诸施以道，菩萨<sup>30</sup>所入如是”。]

<sup>11</sup> 十【大】，千【宋】【元】【明】

<sup>12</sup> 中【大】，终【明】

<sup>13</sup> 物【大】，财【宋】【元】【明】

<sup>14</sup> 忆【大】，叹惜【宋】【元】【明】

<sup>15</sup> 姓【大】，性【宋】【元】【明】

<sup>16</sup> 青衣：拼音 qīng yī，汉以后卑贱者衣青衣，故称婢仆、差役等人为青衣。

<sup>17</sup> 看见【大】，看省见便【宋】【元】【明】

<sup>18</sup> 鸣【CB】【丽-CB】，鸣【大】鸣：拼音 wū，〈动〉亲吻。如：呜啞(亲吻)

<sup>19</sup> 嘍：拼音 cù，〔歎嘍〕口相就。

<sup>20</sup> 长【大】，〔一〕【宋】【元】

<sup>21</sup> 雇：拼音 gù，出钱让人为自己做事：雇工。雇主。雇用。雇员。雇佣。雇请。

<sup>22</sup> 抱撮：拼音 bào cuō，抱持拨弄。

<sup>23</sup> 辄：拼音 zhé，〈副〉立即；就。

<sup>24</sup> 养视：拼音 yǎng shì，养护照看；供养照顾。

<sup>25</sup> 怖懔：拼音 bù jù，恐惧；害怕。

<sup>26</sup> 八十【大】，十八【宋】【元】【明】

<sup>27</sup> 摩诃衍：华译为大乘，即菩萨的行门，以世出世间法恒利一切众生为宗旨，最高的果位是佛果。

<sup>28</sup> 便【大】，使【宋】【元】【明】

<sup>29</sup> 室舍【大】，空舍【宋】【元】【明】

<sup>30</sup> 〔一〕【CB】【丽-CB】，我【大】

《圣般若摄颂》云：

《佛说佛母宝德藏般若波罗蜜经》云：

依戒能断旁生体，离八无暇恒得闲， 持戒远离畜生趣，舍八非念得正念，  
忍得广大微妙相，宛如金色众乐见。 忍辱当得最上色，如金世间悉爱乐。

第二、持戒度：依靠戒律，能断除旁生趣种姓、身相等各不相同形形色色的本体，不仅如此，而且还能远离八无暇处，依靠持戒恒常获得闲暇的殊妙所依身份。

《大萨遮尼乾子所说经·一乘品》云：

〔“善男子！菩萨复有十二种持戒得大利益，菩萨应行尸波罗蜜。何等十二？一者、持戒能摄一切诸善根故，菩萨应行尸波罗蜜；二者、持戒入菩萨道故，菩萨应行尸波罗蜜；三者、持戒解脱一切烦恼缚故，菩萨应行尸波罗蜜；四者、持戒能过一切诸恶道故，菩萨应行尸波罗蜜；五者、持戒能拔恶道苦众生故，菩萨应行尸波罗蜜；六者、持戒身、口、意业不为诸佛如来诃故，菩萨应行尸波罗蜜；七者、持戒诸佛如来常赞叹故，菩萨应行尸波罗蜜；八者、持戒能入诸有不放逸故，菩萨应行尸波罗蜜；九者、持戒即施众生无怖畏故，菩萨应行尸波罗蜜；十者、持戒成就身、口、意业善故，菩萨应行尸波罗蜜；十一者、持戒能得于诸法中随顺自在故，菩萨应行尸波罗蜜；十二者、持戒成就第一彼岸功德波罗蜜业故，菩萨应行尸波罗蜜。善男子！是名菩萨摩訶萨十二种修行尸波罗蜜，得大利益，回向阿耨多罗三藐三菩提。”

尔时世尊即以偈颂赞叹尸波罗蜜，重说偈言：

“欲离诸生死，安隐到涅槃，  
一切如来说，持戒最第一。  
戒如清凉池，能生诸善花，



亦如猛炽火，能烧诸恶草。  
戒善持行者，如鸟飞虚空，  
不惧堕生死，诸趣恶道中。  
恶道大毒龙，无明诸罗刹，  
见持净戒者，恭敬舍害心。  
一切诸如来，安隐住涅槃，  
断诸恶趣道，皆由持戒故。  
是故诸佛子，欲求无上道，  
坚固诸善本，持戒波罗蜜。  
菩萨应思惟，善住戒品中，  
解脱烦恼缚，闭诸恶趣门。  
若欲持净戒，应当如犛牛，  
为护一毛故，守死不惜命。  
如是护诸业，是名持戒人，  
如来常赞叹，所求皆成就。  
能持净戒者，有如是功德，  
是故诸菩萨，常当持净戒。  
身口意业净，诸恶皆不行，  
是能到菩提，一切智现前。  
持戒不放逸，诸善皆坚固，  
法中得自在，能净诸佛戒。

菩萨持净戒，视物无怨亲，  
等心诸群生，见者无怖心。  
我住于彼处，常修不放逸，  
是故今得离，一切诸恶趣。  
到第一彼岸，如实功德地，  
是故诸菩萨，常当持净戒。  
菩萨若欲求，菩提佛功德，  
持戒如犍牛，常念不放逸。  
如是诸菩萨，是名为智者，  
能速到彼岸，住佛果菩提。]

第三、安忍度：通过安忍，一直到能获得相好庄严、广大微妙的色相——佛身，宛若金色般可人、众生乐见。

《大萨遮尼乾子所说经·一乘品》云：

[“善男子！菩萨如是修行诸法已，复有十三种观修行羸提波罗蜜得大利益，菩萨应行忍波罗蜜。何等十三？一者、忍行堪忍诸恼，能证一切诸法空故，菩萨应行忍波罗蜜；二者、忍行不见有我为他害故，菩萨应行忍波罗蜜；三者、忍行不见众生有怨亲故，菩萨应行忍波罗蜜；四者、忍行不见自他身可损故，菩萨应行忍波罗蜜；五者、忍行闻毁赞叹心常不动故，菩萨应行忍波罗蜜；六者、忍行能断烦恼诸结使故，菩萨应行忍波罗蜜；七者、忍行能断瞋恨诸结使故，菩萨应行忍波罗蜜；八者、忍行能成三十二相、八十种好故，菩萨应行忍波罗蜜；九者、忍行能离恶道生梵天故，菩萨应行忍波罗蜜；十者、忍行能过一切损害境界故，菩萨应行忍波罗蜜；十一者、忍行能得尽智、无生智故，菩萨应行



忍波罗蜜；十二者、忍行能降一切恶魔诸境界故，菩萨应行忍波罗蜜；十三者、忍行能见如来无量功德庄严身故，菩萨应行忍波罗蜜。善男子！是名菩萨十三种观修羸提波罗蜜得大利益，回向阿耨多罗三藐三菩提。”

尔时世尊即以偈颂赞叹忍辱波罗蜜，重说偈言：

“若欲为众生，作诸归依处，  
令生无畏心，忍辱最第一。  
能行忍辱者，见者皆欢喜，  
怨家舍毒心，皆生亲友想。  
一切诸如来，成就平等心，  
众生所归依，皆由行忍故。  
是故诸佛子，欲求无上道，  
为物作依止，当坚固忍辱。  
菩萨若欲住，一切佛菩提，  
当观诸法空，众生不可得，  
如是行忍行，能具佛功德，  
是故诸菩萨，常应修忍辱。  
菩萨若修忍，当远离二边，  
不见自他身，能有损益者。  
如来大慈悲，赞叹如是观，  
是故诸菩萨，常应修忍辱。  
若欲得尽智，灭诸使烦恼，

不怯弱修忍，常无分别心，  
如是观诸法，成忍波罗蜜，  
是故诸菩萨，常应修忍辱。  
菩萨欲庄严，如来相好身，  
复生梵世界，出离诸魔道，  
乐行忍辱行，一切皆成就，  
是故诸菩萨，应坚固忍辱。  
忍辱力最上，诸行无过者，  
一切诸功德，住在忍行中。  
四魔力难敌，忍力能除灭，  
是故诸菩萨，常应修忍辱。]

《大乘理趣六波罗蜜多经》云：“菩萨如是以安忍力，所生之处容貌端正，一切众生之所乐见，于大会中常为诸佛之所称叹。”

《大宝积经·羼底波罗蜜多品》云：

[“复次，舍利子！菩萨摩訶萨，行羼底波罗蜜多时，作如是念：‘于长夜中，诸众生等为诸恶魔伺求便者，所谓瞋恚。’舍利子！我今为汝广说其事：我念过去，为大仙人，名修行处。时，有恶魔化作五百健骂丈夫，恒寻逐我兴诸恶骂，昼夜去来、行住坐卧、僧坊静室、聚落俗家、若在街巷、若空闲处，随我坐立，是诸化魔以粗恶言毁骂诃责，满五百年未曾休废。舍利子！我自忆昔，五百岁中为诸魔罗之所诃毁，未曾于彼起微恨心，恒兴慈救而用观察。舍利子！我于尔时复作是念：‘若有诸善男子，守护尸罗具众善法，于贪瞋痴性轻少者，不唯于彼作诸利益，说我以为行难行者；又亦不唯于彼作诸利

益，能证无上正等菩提。何以故？若有众生刚强难伏，毁犯尸罗具诸恶法，为性浊重贪瞋痴者，若我于彼作诸利益，是则说我为难行者。由我于彼作诸利益，速成无上正等菩提，先当令彼证寂灭故。’舍利子！是诸菩萨摩訶萨，若忿恚心现在前时，应生如是诸大正念；若生是念，诸利益事速得圆满。舍利子！如来于过去世，由行如是羸底波罗蜜多菩萨行故，证得阿耨多罗三藐三菩提。是故菩萨摩訶萨欲求无上正等觉者，于诸忍力常具成就，堪受一切寒热饥渴、风日蚊虻、蛇蝎等触，又能堪忍粗恶言说、鄙陋词句，依身所生猛利诸苦，坚鞮<sup>31</sup>楚辛，夺命至死，如是苦受并能堪忍。舍利子！是名菩萨摩訶萨安住是忍，速能成就羸底波罗蜜多故。]

《大宝积经·出现光明会》云：

汝当如山王，其心安不动，

毁骂及捶打，一切皆能忍。

《成实论·四无量定品》云：

[又，瞋恚非是行者所宜。

又，当念前人利益善事，除舍恶事则瞋恚息。

又，当观前人本末因缘，此人先世或为我母，怀妊生育为我勤苦，或为我父、兄弟、妻子，云何当瞋？

又念：‘来世或当为我父母、兄弟，或作罗汉、缘觉、诸佛，云何可瞋？’

又，见恶人以行恶故两世受苦，是故不瞋。

又，深观前人体性善恶，若恶人加恶<sup>32</sup>何故生瞋？如火烧人不应瞋也。

<sup>31</sup> 鞮：拼音 yìng，古同“硬”，坚。

<sup>32</sup> 恶【大】，我【宋】【元】【明】【宫】

又，见前人为烦恼所逼不得自在，犹如鬼著，何为生瞋？

又，随以何因缘修习忍辱，应念此法则瞋恚息、慈心增长。忍功德者，谓行者生念：

‘我若瞋他即为凡鄙，与彼无异，’是故应忍。

如佛说偈：

譬如调象，能堪刀箭，

我亦如是，能忍诸恶。

又偈说：

恶口骂詈，毁辱瞋恚，

小人不堪，如石雨鸟；

恶口骂詈，毁辱瞋恚，

大人堪受，如花雨象。

是故应忍。

又，以此恶事回为功德，以从诸恶成功德故。

又，行者知此众生愚痴无识，犹如婴儿，不应瞋也。]